

ليالي الشوق

على طاري ليالي الشوق .. ودمعه حدرت م الموق
 ذكرت انك هوى عمر .. يودك يومك اغليته
 نشرتي ومانثرتي الا .. مشاعر غربلت مخلوق
 وابنثر شي ماشفته .. !بقلبي بس حسيته
 طربت وماطربت الا .. لحرف احتوى كل الذوق
 عزيز الحرف لامنه .. تربع في وسط بيته
 تروعني دورب البين .. وسكه كلها ابوها بروق
 ويسكن خافقى حزن .. اذا في يوم اطريته
 مشاعر مالها صاحب !!! وقلب دائم مسروق
 وكلن هايم بخله ... وأنا بقربه .. ولا اوقيته

دخل الدمعتين اللي .. شكت منها جروح الموق
 تررق وارحمه حالك .. اعرف اشكثر اغليته
 دخلك كفف الدمعه .. غدى منها الحشا محروم
 معاناته البشر ماهي .. دموع .. وسيلك اجريته !!
 غريبه !! حالة الاصحاب .. ذا سابق وذا مسبوق
 ألمم بينهم عمري .. بقايا انسان انا اشقيته
 سنين طوال عشناها .. منو العاشق من المعشوق ؟
 يملمني بهواك العمر ... والى من طاح شليته
 رغم ماضي ليالينا ... واسمك و الهوى و الشوق
 أحس اني معك فعلا .. غريب الحب في بيته

فيصل العبدالله

أمطار فالشوارع

المشاعر تبدل مثل بعض الثياب
 و الرفيق يتبدل دام (راسه) هفا
 و الطريق ان مشيته باتجاه الذهاب
 واضح الصدق فيه و مايهم أن نفا
 يالله اني بوجهك من شديد العذاب
 عن خطاهم (عفينا) يوم وجهك عفا
 ليت لي فالملاibr دعوة تستجاب
 وأسائلك عن عنای و عن (مرضهم) شفا
 والهقاوي تشيب و تو عمرى شباب
 يا جروحي تهادى جرح واحد كفا
 جعل عمرى طويل و فوق نجم و شهاب
 والله يديم قلبي في امان و دفا
 جف حبر المحبه فالورق و الكتاب
 و أسود الليل حول فالضلوع و ضفا
 رمش عيني يموت و يعشق الانتساب
 فوق طرفي و حتى يوم طرفي غفا
 مالقيت بعيوني غير دمع السحاب
 ينتشر في ضلوعي فوق كلمة (أفا)

عبدالله الذويان

أمطار فالشوارع وأرجهن السحاب
 وأمطار الدمع فيني لين دمعي ضفا
 ما بقالي كلام و ما بقالي عتاب
 ما بقا لك بقلبي غير كلمة (أفا)
 أمس فكري تشتت بين باب و جواب
 يوم وجهي حزين و نور قلبي طفا
 شق صدري غيابك يا كثير الغياب
 و انت لا جيت صوبك جيت كلي حفا
 كنت اظن الكرامه من كريم الجناب
 مثل رد الوفا لا جا من اهل الوفا
 و اثر مالك مقام و مالقلبك حساب
 هبت الريح فيك و كل سافي سفا
 جندوك (الثعالب) وأخضعوك (الكلاب)
 و أكثر الظن بان و كل شي خفا
 و انت راضي و فاتح للزمان الف باب
 باب (هذا يروح) و باب (هذا الف)
 لا يقين لبعضكم يالقلوب الهباب
 بين (شذاب ساق) وبين (راعي قفا)
 لا تظن السلامه و أبعادي أكتئاب
 دام عندي مبادي جعل عمرى جفا